

Surat khabar: Utusan Borneo (Berita Iban)

Hari/Tarikh: 24/4/2016

Muka surat: 9

Tajuk : Program ‘Jelajah Kampus Rakan Muda’ pelasar ngansah pengelandik nembiaik

Program ‘Jelajah Kampus Rakan Muda’ pelasar ngansah pengelandik nembiaik

Dikarang Chris bishop

SAMARAHAN: Menteri Nembiaik enggau Lumba (KBS) Khairy Jamaluddin kemari ngelanchar ‘Jelajah Kampus Rakan Muda 2016’ di Universiti Malaysia Sarawak (UNIMAS).

Programnya nyadi seiti inisiatif KBS lalu deka diadu di universiti di serata menua.

Ungkup taun 2016, enam universiti udah dipilih endur program Jelajah Kampus.

“Program tu bepelasarka konsep ngansah sereta mantaika pengelandik raban nembiaik ba mayuh bengkah pengawa ke dikerindu ti ulih meri pangka positif ba pekara pemansang diri, komuniti enggau menua.

“Program mega meransang nembiaik universiti nyereta gerempung nembiaik dimenua tu lalu nya seraris enggau ubah ba taun 2018 ti netap sida ke beumur 18 taun ke baruh ditetap dalam kategori nembiaik,” ku Khairy ba aum pengarang berita pengudah pengawa ngelanchar kemari.

Tuju program ku Khairy, iya nya meri peluang ngagai nembiaik universiti ngaul diri ba program ngansah pengelandik lalu nyadi platform endur mai ‘Program Rakan Muda’ ke dalam universiti.

Ngenang kaul ke sama,



BISI SAMBUT MANAH: Khairy (dua kanan) meratika sekeda nembiaik ti bisi ngambi bagi ba Program Jelajah Kampus di UNIMAS kemari.

Khairy mega madah sepenyampau RM20 juta disedia unggup program ngansah pengelandik lalu raban nembiaik ulih ngenataika pinta bantu nya.

“Kitai minta sida mantaika dulu program ke deka diadu, enti program sigi ulih meri pangka positif, sida deka diberi bantu,” ku iya.

Bantu belanja nya ku Khairy, beppanggaj ba program ke diadu lalu agih bantu nya urung penyampau RM10,000

nyentuk RM20,000.

Lima universiti bukai ke dipilihngatur program Jelajah Kampus iya nya Universiti Putra Malaysia (UPM) Selangor kena 15 Mei 2016, Taylor’s University, Selangor (Julai 2016), Universiti Multimedia (MMU) Melaka (Ogos 2016), Universiti Sultan Zainal Abidin (UNISZA) Terengganu (September 2016) enggau Universiti Utara Malaysia (UUM), Kedah (Oktober 2016).

Program Jelajah Kampus UNIMAS kemari berengkah jari pukul 10 pagi nyentuk 7 lemai, ke alai macham pengawa sereta main bisi diatur.

Entara sekeda iya nya pengawa ngerejista nyadi kaban Rakan Muda, panggau pemerindang, woksyop sereta program Majlis Belia Malaysia.

Bela datai Menteri kereja Raya Dato Sri Fadilah Yusof enggau Mandal Chanselor UNIMAS Profesor Dato Dr Mohamad Kadim Suaidi.